

廣州大典

番禺校区

8122.651

2009/

73

陳建華

曹淳亮

主

編

廣州大典

73



第八輯·碧琳琅館叢書
第四冊

廣州出版社

目錄

靖炎兩朝見聞錄二卷	宋陳東撰	一
宋朝南渡十將傳十卷	宋章穎撰	四八
使金錄一卷	宋程卓撰	一二七
金德運圖說一卷	金張行簡等撰	一三七
岳陽風土記一卷	宋范致明撰	一四九
辛巳泣斬錄一卷附錄一卷	宋趙與袞撰	一六三
平宋錄三卷	元劉敏中撰	二〇一
今言四卷	明鄭曉撰	二二三
石渠紀餘六卷	清王慶雲撰	三三三
歷代宅京記二十卷	清顧炎武撰	五四四

靖炎兩朝 聞見錄

靖炎兩朝見聞錄

宋 太學生 陳東著

兩朝見聞錄者靖康建炎中事也元年春正月金人擁兵犯都城二月退師秋九月陷太原冬十月陷真定繼陷滑州等郡縣十一月五日擁兵再犯都城閏月二十五日陷京師明年春正月十日徽皇帝車駕出郊外二月六日廢

帝九日邀

太上皇帝暨皇后太子諸王妃嬪等出郊外三月

靖炎兩朝見聞錄 卷一

碧琳琅館叢書

改偽楚立張邦昌僭號夏四月一日退師擁

二帝皆北去四日邦昌偽赦九日冊命皇后十一

日元祐皇后垂簾聽政邦昌避位收偽赦五月一

日迎請

康王卽位于南京改元建炎大赦天下太學生東

自春徂冬羈在京師初于柱王嘗爲西樞門下客

頗得其事繼遊賢關與同舍郎講問尤爲詳悉痛

聖主之播遷閔王室之顛覆咎大臣之誤國傷夷

狄之盛強事有可槩舉者大懼天下後世或多避

忌無以激忠臣義士之心無以正亂臣賊子之罪
無以爲人君任人治天下禦戎之戒因列日以書
之其間褒貶直指其實皆一時之公議非敢徇私
臆說也盟于天質于地告於

太祖太宗之靈知臣無媿其如青史請俟來哲大
宋太學生陳東謹書

靖康元年

十一月初五日知樞密院馮檣歸自河東具言金
人索金玉輅及稱號等 朝廷從之檣再行纔三

靖炎兩朝見聞錄 卷二

碧琳琅館叢書

日中途遇王雲復同還云堅欲割三鎮地是時金
人已破河東襄垣縣次侵滑州州告急者踵至朝
廷降詔使人自爲戰而已

十四日河陽告急朝廷詔文武百官於崇政殿聚
議

御批云三鎮與之利害如何不與又利害爲如何
茲事體大朕不敢以自專仍不可持兩可說是日
百官立班各給紙札親書利害許割三鎮者不勝
其多范宗尹其首也稱不可與纔三十人何桌其

首也言與者曰三鎮朝廷既嘗許之今不與是中
國失信於夷狄不若姑且與之縱復猖獗則天怒
人怒師出無名可不戰而屈也不與者言曰國家
更三鎮始得河東陵寢在焉河北天下之四支四
支苟去吾不知其爲人人民貢賦乃其末耳況天
下者

太祖太宗之天下非

陛下之天下敬塘之事豈可道乎 朝廷竟從與
者說遂割三鎮尋罷何桌中書侍郎以資領開封

靖炎兩朝見聞錄 卷三

碧琳琅館叢書

府事是日復下哀痛之詔仍俾河東河北北京畿等
路並行清野士民讀詔莫不感慟

十四日十五日詔免京城公私房絹命尙書梅執
禮爲請盟使

十六日金使王芮等一十三人到闕議割地其辭
頗不屈仍欲大臣親諭東北之人交割地界等朝
廷許之是日邊報益告急

十七日道路傳聞金人遊騎已渡河執政諸公似
未深信皆云自冬末僉樞李回已將兵防河矣然

邊益急殿前司乃遣使人馬綱作斥候已而召募忠義團結使臣將以備守禦計是日戒嚴

十八日既戒嚴內外驚擾近城居民遷徙不絕於道軍人保甲乘時作亂劫掠財貨焚燒屋廬得城東巡檢魏清捕殺三百餘級稍定朝廷旨揮城外搬入居民聽就寺觀居止

十九日開封揭示云前日北來兵係折彥質潰散人已招安訖所有請盟旨揮並不施行城外居民各令歸業太學生陳徐等上書力辨以謂邊報每

靖炎兩朝見聞錄 卷四

碧琳琅館叢書

急事未可知堅壁請盟在今日正不可緩不應輒罷書下樞密院大臣沮難竟不行是夜二更馬綱報賊已渡河朝廷猶未深信再遣使劉詞將步騎三百出封正門遠探

二十日劉詞遠探星馳而還云兵次陳橋為賊兵搔擊殺傷者百餘人餘眾僅脫朝廷始倉皇而計無從出矣是日置都大提舉守禦使司以樞密聶昌領之

二十一日詔罷諸司庶務專以應辦軍期為急始

遣使交割河東河北地界以通和國信使為名知樞密院聶昌使河東門下侍郎耿南仲使河北

二十二日聶昌耿南仲偕金使王芮等出國門

二十三日命保甲百姓軍人僧道等上城守禦賊勢益急執政直宿令聽聚議親巡視諸城又置四壁提舉彈壓官各一員統制官各一員提舉官東壁尚書王時雍南壁舍人李擢西壁侍郎邵博北壁給事中安符東壁統制官孫康宗南壁何特西壁張撝北壁劉衍其餘逐門彈壓統制者不可殫

靖炎兩朝見聞錄 卷五

碧琳琅館叢書

紀又命劉延慶提舉四壁劉幹副之

二十四日王瓊鄭建雄將勤王之師八千到闕駐

劉城內

二十五日殿前司以京城諸營軍兵一萬人分屯五軍以備四壁策應前軍屯順天門左軍屯五嶽觀右軍屯上清宮後軍屯封正門前左中三軍姚友仲統之右後二軍辛永宗統之是時范瓊張先裴淵汪長源輩各統兵在城無一屯駐城外不知籌謀廟算為如何也逮晚遽傳兵已滿四壁仍降

黃榜告諭士庶云金人遊騎已及郊畿士庶讀之莫不驚惶

二十六日傳聞國相元帥來自河東太子副元帥來自河北輻湊闕下朝廷增遣所募忠義迫百姓等諸城守禦甚備

二十七日諸城搜索姦細豪猾因緣騷動往往間及無辜已而聚眾捶殺太尉辛永宗及使臣等四壁大擾迫晚捕為首者五人腰斬東壁詔罷百姓不許上城守禦散行招募忠義敢勇之士旗幟滿

靖炎兩朝見聞錄 卷六

碧琳琅館叢書

城投招募多市井游手人耳大可鄙笑復捕姦細三人於保合店僉級號令繼聞金人欲捕內官詔內官不許上城傳宣者以黃旗號焉金人約十萬人眾其間多掠吾兩河之民數於其間多掠虜近京之民運石伐木造攻城之具報役者甚眾太子劉寨於劉家寺國相劉寨於南郊壇四壁諸城皆臨河剗小寨圍閉周密不以計數旗幟人物公然往來郊野間自在朝廷召募益急罷相唐恪以何桌代孫傳知樞密院曹輔簽書何桌提領招募奇

兵孫傳提領招募忠義已而得郭京於殿虎得傳臨政于草澤得楊僧於釋子自云操六壬妙術擲豆為兵且能隱形廊廟諸公以為神人一京翕然共倚為重傳臨政云挾術膂力人也自是密除擢不問能否微賤自布衣而為統制由伎術而掌機謀令商賈任將佐甚眾其弊殆有不可勝言者例皆領兵往來城市真類兒戲有識之士頗嘿如也民情恟恟構造傳播之事非一軍兵輩復乘間渙亂朝廷患之散榜立賞緝捕甚緊斬首號令者相

靖炎兩朝見聞錄 卷七

碧琳琅館叢書

繼稍急金人土木之工日夜不輟是日諸門已縛礮架造鷲車

二十八日南道總管張叔夜將勤王之師三萬到闕長子將前軍次子將後軍自將中軍屯駐于玉津園

二十九日上幸東壁撫勞將士軍兵增秩賜帛有差

閏十一月一日上幸南壁撫勞將士如前叔夜領兵起居於南薰門下軍容整肅上喜之即城樓

命解右僕射何桌金帶笏頭者以賜之而上幸宣化門徒步登楊子城親覘賊寨虛實儀衛悉屏唯內侍數人從偶雪作泥滑身被鐵鎧步履如飛然天顏憂勤愁悴痾瘠是日奇兵作亂毆統制官王健殺使臣十餘人內前大擾殿前太尉王宗楚引兵戮殺渠魁方定先是王健創奇兵何桌領之有識者以爲笑蓋自古兵法奇正皆臨機料敵未聞預以奇兵自名也況未嘗出奇輒自變亂大抵今日所謂奇兵者類如此耶

靖炎兩朝見聞錄

卷八

碧琳琅館叢書

初二日 上幸西壁撫勞士卒如前賊攻善利益急姚友仲選五軍中神臂弓硬弩手一千五百人策應

初三日 上幸北壁撫勞士卒如前上凡四日巡幸每巡壁不進御膳命取士卒食之令後復進膳餉士卒人皆感激涕流上凡四日巡幸自初巡壁雨雪交作四日未止皇后親用內府幣帛與宮嬪作綿擁項及衣被等分賜將士各一自統制而下賜各有差是日賊攻通津門甚急姚友仲領前軍

將副部隊一千人策應軍兵下城接戰殺傷甚眾初四初五初六日賊攻通津宣化門甚急朝廷觀賊勢如此猶未有用兵意太學生丁陳徐等上書論列以謂金人有三可滅之理而用兵有五不可緩之說書奏不報金人到闕幾旬見朝廷未嘗用兵攻城日益急而善利通津宣化門爲尤急箭發如雨城中壁如蝟毛又以大磨石爲礮間至城上樓櫓擁毀姚友仲於三門兩楊子城別置兩圓門走馬面三十步許砌以甃石中開小圓門如城門

靖炎兩朝見聞錄

卷九

碧琳琅館叢書

法四圍復置乳牆迎敵人自圓門出入不日而成所賴以固先是術者言京城狀如臥牛賊至必擊首項通津門其首也宣化門其項也通津在善利宣化門之兩間此三門者賊必攻之後果如其言大臣預知而不問

初七日殿前太尉王宗楚領牙兵一千人下城與賊接戰統制高師旦死之是日姚友仲正策應南楊子城躬率將校督戰凡殺合賊勢少沮復造礮架攻城之具土木之工益不輟

初八日朝廷爲防計上幸封止門城外按礮賜資不貲礮架礮石迄今盡在城外莫知其數賊攻善利通津宣化三門不數日城下立礮殆數百乃盡得前日所按者以爲資也

初九日賊攻善利通津宣化三門甚急復於護龍河疊橋取道姚友仲選銳士下臨分布床子弩九牛弩大小礮座又以城上絞縛虛柵人立如山箭下如雨賊橋迫晚不能寸進乃乘橋益造火梯雲梯偏橋撞竿鵝車洞子之類皆攻城之具其疊橋

靖炎兩朝見聞錄

卷十 碧琳琅館叢書

法先用木牌浮水面次用薪以席次土增次復如初矢石俱不能入火梯雲梯偏橋皆與城樓櫓齊雲梯偏橋可以倚城而上皆用車軸推行洞子可以治道可以攻城其狀如峻壁上銳下闊人往來其間節次續之殆有長數十丈者以固百木交牙上用生牛皮鐵裹內用濕氈中如大廩矢石火皆不能入戰則要安礮并推梯橋之類攻城則要取土透城其機巧迨有未易致者

初十日詔展放公私房緡及縱市井賭博以甦小

民內前有斬首號令勝云司文政伏闕上書極無理聖旨取斬士論初以爲疑而有免解進士費友端奏劄稱文政上書若止無理不應棄市雖草茅一介不足惜而士之去就往往視此恐塞天下言路乞以文政所上書揭示使中外曉然知文政所誅之罪迫晚開封府奏白費友端奏劄榜云教坊樂人司文政伏闕上書挾持君父助賊害國士論始帖然

十一日十二日十三日大雪有詔曰雪意未解士

靖炎兩朝見聞錄

卷十 碧琳琅館叢書

卒暴露朕不敢自安再幸四壁犒勞將士連日轡輿之出正大雪苦寒中馳馬戎服露手宣挽其賜賚進膳之類悉如初仍命將士拒城接戰間有得級者又遣使以酒食遺金人寨中云祖宗故事有識者頗疑議

十四日通津門礮發中金人金牌將初傳王芮繼聞乃金賊謀臣劉安者奏捷上喜之命以武功大夫空名告一金帶懸於待捕院側募人能捕戮金牌將一人者給之又揭賞格自獲酋首長小蕃等

賞格各有差等詔許人輸財助國日有獻者皆量多寡授以官

十五日十六日十七日十八日賊攻諸門愈急朝廷至是猶未有用兵意但使命數往來士庶莫測其故太學生陳東等上書乞用兵議和之計蚤決無優柔而不斷養成夷狄之患益熾書奏而不報統制官姚友仲奏劄謂金人攻城益急兵既不用乞遣使議和爲便奏劄亦不報先是金師初至闕下姚友仲與諸將議擊之便幸其遠來賊衆必疲

靖炎兩朝見聞錄

卷三

碧琳琅館叢書

行列未成若選精兵六萬出四門分布乘勢而擊出其不意攻其無備衆必潰亂可勝之理過此日後賊勢愈熾援兵不至事勢阻喪雖悔何及是時唐恪雖主議和而恬不知信迫賊攻城既急罷唐恪相何桌而友仲料勢不可又奏乞講和是時何桌復主用兵且料賊兵糧道不繼不日就擒恪雖主議和而和未嘗決桌雖主用兵而兵未嘗用是以太學友仲之奏俱不得行要之恪謬而無斷誤國于前桌剛而寡謀誤國於後大臣誤國宜夷狄

強而中國衰微矣

十九日樞密曹輔右丞馮獬出使塞中莫知其故是日善利通津宣化等門賊增礮座幾百拋擲如雨城上迫虛棚之人皆不可存往往中礮死者日不下數十人

二十日賊渡橋俯宣化門城欲涉河之南先有黑旂子三人已登城岸統制王燮同姚友仲率驍勇使臣數十及西兵百餘縋城下戰殺死數人賊乃退橋之北入鵝車洞子鵝項宰相何桌巡至城上

靖炎兩朝見聞錄

卷三

碧琳琅館叢書

黑旗子復登岸城上矢石如雨賊略不顧城腳之西有縋城下出戰者兵約六七百人見賊引衆欲與交鋒望風退走賊引兵追逐城下厲聲大叫云後面無賊而衆已潰散勢不可回隔岸矢石如雨中傷者數百自填陷坑死者亦近百人賊衆大笑而已

二十一日二十二日諸門各有縋城戰者殺傷賊衆甚多

二十三日統制范瓊發兵幾千人自宣化縋城出

戰士氣甚銳迫逐賊眾棄寨而北士卒貪功輒率眾渡河未及北岸十餘步間河水陷裂士卒驚亂而賊眾遽臨岸交手迎敵陷河而沒者五百餘人自是士氣益挫折

二十四日賊勢益熾火梯雲梯偏橋列城下如鱗次燒宣化門敵樓二間發火礮如雨箭尤不可計其攻甚力護龍河悉填滿鷺車領兵直抵通津宣化二門下無數步計攻二城門其勢甚銳

二十五日大雪賊乘雪攻城愈急詔令班直悉上

靖炎兩朝見聞錄

卷五

碧琳琅館叢書

城上及虛棚人物戈戟如織郭京領六甲正兵七千七百七十七人大開宣化門出敵城中士庶延頸企踵于門立俟捷報者餘數千人其餘從行旁觀鼓噪以助勇者又數千人俄頃云前軍已奪大寨立旗於賊營矣又報奪馬千匹時有令云守櫓使臣軍兵外餘人並不得上城六甲兵法能隱形若城上人眾恐為賊兵覘望言猶在耳賊兵分兩翼而進衝京前軍一掃追無噍類餘皆墜護龍河積尸不可計數復入雲梯偏橋併上城上迎敵

官軍間雖殺落金人而勢銳畧不少退已而數人輒上城班直官軍雖排布如織無一死敵用命者輒下城通避守廩官吏相繼棄走由是金人登城者踵至揚旂城上眾悉潰散四壁數十萬之眾為一空棄甲拋戈狼籍道路居民驚擾悉皆奔走自相蹂踐而軍民皆輒乘時劫掠橫尸滿路殺人如亂麻又捶殺太尉姚友仲及統制官數人其餘官屬殺者尤不可計數

太上皇自龍德宮更衣徒步入禁中諸帝姬亦潛

靖炎兩朝見聞錄

卷五

碧琳琅館叢書

入大內相挽而出迨晚金人縱火燒南薰宣化通津善利四門及樓櫓等軍兵乘時變亂者又多縱火燒劫居民火勢亘天逮旦不滅是夜雪數尺有旨告報百姓請甲守裏門哭泣之聲震動天地然金人未嘗下城而殺者皆潰散兵軍輩是日自早裏城門悉開城外之人被害者甚多

上皇急詔大臣親王侍從而至者纔三人謝克家其首也因與徒步入小閣中議和頃遣謝克家及濟王使軍中請和傳聞上旨語音極謙皆以全活

生靈爲念

二十六日黎明百姓赴宣德門請甲救駕使命難還滿市傳呼其聲哀怨已而上御宣德門親諭軍民露腕憑欄大呼於眾曰事體至此軍民欲如何有謀師以獻朕當聽從失守之罪一切不問仍命百姓請甲軍器等前去各保老小

上皇倉皇不覺墜帽百姓奏事間稱爾我亦其情倉皇迫切不暇它言也士庶切慮上有遷徙計泣告曰陛下一出則生民盡遭塗炭矣上又大呼曰

靖炎兩朝見聞錄 卷六

碧琳琅館叢書

寡人在此士庶號慟上亦爲之掩泣已而士庶感慨請甲逾三十萬人午漏謝克家濟王偕金使四人入議和惟止四軍及班直約四萬眾馬數十疋騎及護駕人馬等皆欲奔出所統將都虞侯蔣宣引數百人突入祥禧殿中大呼請官家速出這裏不是官家住處其勢甚遽

上皇曰敎我出那裏去眾兵曰須與官家一線路去上命左右開諭輒殺之上趨入因令開殿後中門眾兵又斫門督上驚尋親出撫諭稍定宣等徑

詣內庫劫掠金帛酒食等棄家屬遺老小奔逃趨走自相蹂踐不知其數亦有踰城而出者皆爲金人擄殺之午漏謝克家濟王回自軍中同金使四人入對議和傳聞克家之初見六酋徑出示文劄云前次未破城已降號令若城破日不許下城殺掠且云頃過陵寢亦嘗戒約軍中無絲毫敢犯又云若南朝破城還肯不殺人否然是日金人軍已入舊城外劫掠以五岳觀犒軍軍兵錢萬餘貫支散百姓並不殺人唯是軍兵乘時作亂者縱行殺

靖炎兩朝見聞錄 卷七

碧琳琅館叢書

掠無忌憚士庶奔逃城東之人徙于城西城西之人徙于城東狂行交錯莫知適從父子夫婦不相保守至有全家投陷穽或全家自縊自焚者又有由西東通門涉河而欲通奔裏城者多爭道奔湊冰泮溺死者不可勝計蔡汴兩河潰奔老幼幾若山積哀號之聲所不忍聞公卿大夫皆易布袍草履混迹塵中雖貴戚之家皆用泥塗面及衣綿絮紙被取類丐者追晚李若冰再使軍中先是未時若冰以出使留軍中久之迨二十五日城破二酋

喻若冰曰今京城已破可亟歸報少帝勿須播遷
五百里內皆吾兵矣亟請處置內事恐內亂若冰
入對上抱太子獨在小閣中內侍十餘侍立閣內
外上初見若冰不覺失聲卿元來也卿元來也若
冰具對留宿殿陛至是再遣偕僕射何桌行是夜
縱火劫掠尤甚一城騷然火光四起城中如白晝
色

二十七日何桌李若冰使還金人許和朝廷揭榜
云兩國已通和在京城內外放火殺人劫掠財物

靖炎兩朝見聞錄

卷六

碧琳琅館叢書

御前已分遣將士前去殺戮仰居民安業如違處
斬是日放火劫掠者殊未息通衢要市殺人奪馬
兵革惻惻白晝無人行申刻何桌還府尹領兵數
百人揭黃榜于馬前巡市彈壓斬劫掠者數人僉
級從行民情始少安息是夜放火劫掠者猶未息
舊城外尤甚百姓執兵卒三人欲燒太廟者赴官
二十八日宰相何桌親王出謝二酋開封揭榜云
昨在京城文武百官秀才及僧錄司眾僧及父老
百姓各赴大金軍前求告致謝國相元帥請命願

持金帛牛酒犒設三軍者聽是日內外士民覲請
命之賜相顧咸泣紛然輸財獻金帛牛酒者絡繹
于道各以長竿標掛人揭榜云某坊某人獻物于
國相元帥太子元帥答謝全活老小之恩滿城旂
如織然節次往獻金人留之出城請命獻物者如
市未刻有榜云大金堅欲上皇出郊朕以宗廟生
靈之故義當親往咨爾士民各務安靜無致驚擾
卻誤大事士庶觀榜各懷疑慮是時潰散殿班軍
兵所至爲害殊未收集朝廷患之出榜免罪招誘

靖炎兩朝見聞錄

卷六

碧琳琅館叢書

又分遣將士及開封府從事人捕緝討虜者甚眾
徑於通衢斬首無慮數百人民情頗快凡斬首者
頃刻復爲軍人百姓剖割殆盡有并骨持去者皆
軍民食之所至市井公然以人肉貨賣自是城裏
討虜者小戢而城外殊未定尙肆燒劫軍兵輩至
結構金人下城或削髮偽裝金人同兵劫掠貴戚
王公富商巨賈之家無不受害如張溫誠劉明達
高大皇聶婆婆家藍太尉等家皆首被禍其餘士
庶被燒趕逐扶老攜幼入子城逃避者纍纍然相

望于道如是日未息已而流民殆遍於相國寺及寺東西廊廡下間啼饑號寒者極可傷惻是夜裏城內外燒劫如前彗星出東北角

二十九日平旦日出如火皆驚視已刻朱雀門始大開彈壓官往來四壁金人斷掘慢道復於城外鋤治慢道以鐵錘登城先是二十五日將城縱火燒諸門甕城樓櫓火三日不滅礮架迫懸中板皆移內向至是又增治及慢道云

三十日黎明揭榜大金和議已定朕以宗廟社稷

靖炎兩朝見聞錄

卷三

碧琳琅館叢書

生靈之故躬往致謝咨爾眾庶無致疑惑平旦駕擁素騎出南薰門何桌陳過庭孫傳等從曹輔張叔夜雷守彈壓官是日百姓父老手持金銀牛酒絲帛獻軍前者自內前至南薰門不絕人跡如蟻迫晚駕未迴民情懼俄頃有黃榜自南薰門入云駕前傳報平安詔曰大金已許和議事朕今雷宿只候事了歸內仰軍民各安業無致疑慮士庶讀詔悉散還通夕憂慮至有然頂焚臂者是夜所至坊巷百姓少壯自結陳伍巡警達旦盜賊無所

施其姦

十二月初一日官吏士庶蟻集於南薰門以俟大駕焚香霧結未間黃旗又自南薰門傳報平安詔云和議已定禮數未了仰百姓各安集無致驚擾迨晚又詔云大金和議已定只候禮數了日入城與萬民共慶士庶又散還

初二日官吏士庶集于南薰門肩磨踵疊尤盛于前攜香瞻望者絡繹於道起居南薰門抵宣德門先經雨泥濘百姓運土填路以待屬車頃刻而就

靖炎兩朝見聞錄

卷三

碧琳琅館叢書

申刻駕歸纔及門士庶遙認黃蓋歡呼喧騰一城傳報奔走行路山呼之聲振動天地已而瞻仰天顏莫不嘆慨又皆感泣涕泗橫流上亦爲之揮涕及周橋淚已溢帕殆不能言王瓊鄭建雄張叔夜叩馬號泣上按轡大慟及宣德門上始能言嗚咽不已士庶莫不慟哭既而入內士庶分散間道爭傳人情通悅若再生焚香致謝者家至戶到先是幸賊寨長入祇候王嗣者預從行凡三日兩宿未嘗頃步離上左右悉能說上出郊事云初上出自

南薰門城上皆金人守城有一人似統制軍厲聲云奏知皇帝若得皇帝親出議和聯好公事但請安心帝欲下馬城上金人皆避走云奏知皇帝不是下馬處遂立馬如初又奏云已差人覆國相元帥且立馬少時容治道俄頃開門凡驅一時許步入鐵騎夾道擁衛直至青城中途金使又奏云請徐徐行馬容安排皇帝行宮又立馬一時久至齋宮門外帝欲下馬金人又奏云皇帝請裏面下馬帝不聽步入齋宮側一小閣中粘罕遣人奏知皇

靖炎兩朝見聞錄

卷三

碧琳琅館叢書

帝二太子在對戶已晚容來日相見粘罕即相國之號也又奏云不知曾帶被褥來否擬欲供進又恐寢不安是夜駕宿粘罕軍中翌日未及見上遣使往來議事是日早堅要上皇出郊上再三說論稱皇帝仁孝乃免及午漏上與粘罕相見于齋宮相見之初粘罕先使人將齋宮鴟尾用氈裹屏壁上有龍畫處亦蔽以幃幕然後設香案北望者拜四左右皆歔歔雪大作時城中無雪獨青城變異若此金人亦為蹙額繼而相賀各命坐上為主二

酋次之宰相親王并列拜于庭酒三行乃起上與二酋語王嗣皆不得聞但潛聽云首語上皇次語主上與金人出師之由又云天生華夷自有分域中國豈可據也況天意人心未厭趙德恐豪傑四起中原非我有爾又云城中頗有擢城出者皆棄君親之人不忠不孝何足恤者也已盡敲殺禮畢上命左右取內府蹄金以獻二酋粘罕笑曰城已陷一人一物皆吾所有皇帝之來所議者大事何用此為果欲分賜可賜臣下俄頃又遣人奏上云

靖炎兩朝見聞錄

卷三

碧琳琅館叢書

日既晚恐城中軍民望可早回必欲賜賚臣下但留左右足矣駕興二酋送上馬遣使數人侍衛時金人與左右交口賀云已是一家出征已十有二年矣家中老幼存亡且喜兩國通和遂有解甲之期又云國相太子來時中途傳令期必破京城萬一不可攻打雖二十年亦更戍守誓不返國我國術者尅二十五日初三日城破果如其言二酋人材皆奇偉太子尤瘦長獨粘罕應谷琅琅太子唯唯而已初上見二酋以降表出亦皆中書舍人孫

覲秉筆其略曰三里之城遠失藩籬之守七世之廟幾爲煨燼之餘既煩汗馬之勞敢緩牽羊之請又上皇負罪以彌天微臣捐軀而聽命又社稷不隕宇宙再安粘罕改抹久之易負罪爲失德宇宙爲寰區上從之

初三日駕幸兩宮安慰命文武百姓僧道父老赴大金軍前致謝及南薰門外候取大金旨已而金使十餘來傳旨國相太子致意百官軍前宿食不便不煩遠到又致意傳道父老云泥雨不煩到軍

靖炎兩朝見聞錄 卷五 碧琳琅館叢書

前但看念經文祝大金皇帝聖壽金使傳報禮意已勤是日朝廷綱紀漸振捕獲劫掠者數百餘人迨晚二酋遣國信持書云既往不念故無可言事已至今良可驚悸康王見往河北可遣大臣一人同使命喚回未審聖意如何凝寒伏惟善保壽祺其書不名止云骨盧你移賚勃極烈大金副元帥朝廷竟遣簽書曹輔行

初四日金人遣使檢視府庫拘收文籍欲盡竭所有以犒軍

初五日移文索馬一萬疋開封揭榜云自御馬以下並拘籍隱藏者全家依軍法許人告賞錢三千貫自是士民止跨驢乘輜至有徒步者都城之馬羣空矣

初六日金人移文開封府索軍器開封府揭示許人告收藏軍器者悉納赴官限滿不納依私有法先是城陷日軍兵拋擲軍器狼藉道路多爲民取蓄爾

初七日開封府散榜召募潰散使臣軍兵依前收

靖炎兩朝見聞錄 卷五 碧琳琅館叢書

係支給日食是日陳過庭出使兩河催督交割地方

初八日詔民間權住典顧人口以散失人口甚多迨晚又有詔撫諭中外遣使命六人分詣諸路仍先往軍中請號以行

初九日金人移文開封府索金帛犒軍取河東河北守臣監司親屬質于軍曰以待分割地界了當日歸還又取姦臣家屬三十餘家如蔡京童貫王黼又取張孝純蔡靖邵本等家及要李剛吳愍徐

處仁陳觀折彥質可求等朝廷唯命是聽其或貶所或出京者其以實告是日詔使六人往軍中請號二酋雖聽其請復拘留未許行

初十日有詔大金軍馬登城不下人獲更生已受大賜然而軍兵暴露勞苦除府庫所有盡充犒賞外切慮犒賞不足應戚里權貴豪富之家均是再生之造意合竭其家資以助犒賞不得少有吝惜已令開封府限日下拘收轉送大金軍前是日納馬赴軍中金使督責甚峻又退換贏蹇者

靖炎兩朝見聞錄

卷三

碧琳琅館叢書

十一日有詔大金軍已登城歛兵不下保安社稷全活生靈恩德甚厚今來公私所有皆大金軍前之物義當竭盡以犒大金軍兵者令開封府具名聞奏當優議與官爵今已差官通行根括切慮人戶未能週知尙且藏匿窖埋使本朝有虧信義或敢如前窖埋者盡行軍法

十二日開封府揭榜云奉聖旨拘催戚里權貴富豪之竭奉家資以助犒賞大金今來黑白並未見人戶盡數約到切慮爲無罪賞致將金銀藏埋許

諸色人告以十分爲率將以三分充賞先以官錢日下代支其犯人依軍法施行知情藏寄之家亦許陳告給賞不爲陳告與犯人例罪民情惴惴殆不聊生午刻有從政郎陳符先於開封府投狀先以開封府和樂樓正店內金銀盡數輸官以犒大金詔改令入官與堂除差遣一次是日所取河東河北等守臣監司等官家屬欲質於軍集開封府至是悉已團結穿以大繩列於廊廡不遣者累日飲食不給寢處不問啼飢號寒之聲通夕不絕有

靖炎兩朝見聞錄

卷三

碧琳琅館叢書

識者聞之頗不平不知其所犯何等罪也

十三日開封府督責金帛甚緊鄭皇后宅隱匿金帛不肯盡數輸納有詔祖父並追毀出身文字其餘奪官甚眾又枷斷句當使臣等號令於市是日金人索酒匠五十人酒三千鉗悉與之

十四日士庶納金帛者紛然朝廷又命開封府曹及使臣等於交引質庫金銀疋帛諸鋪家至戶到攤認拘籍一鋪金銀動以千萬兩計是日傳聞大名帥胡直率領勤王兵至中途遇鐵鶴子馬騎八